

中華律藏

中華律藏

第五十五卷

近現代高僧學者講律（十四）

國家圖書館出版社

○第十六掉臂行人白衣舍戒

△緣起

佛在舍衛國，祇樹給孤獨園。時六群比丘，掉臂行人白衣舍，諸居士譏嫌言，似如國王、大臣、長者、居士種。諸比丘聞，往白世尊。世尊呵責六群比丘已，與比丘結戒，欲說戒者，當如是說。

△立戒相

不得掉臂行人白衣舍，式叉迦羅尼。

釋曰：律云，掉臂者，垂臂前却而行。

定罪——是中犯者，若比丘，故作掉臂行人白衣舍，犯應
懺突吉羅。以故作故，犯非威儀突吉羅。若不故作，犯突
吉羅。

兼制——比丘尼突吉羅，式叉摩那，沙彌，沙彌尼，突吉
羅，是爲犯。

開緣——不犯者，或時有如是病，或爲人所打舉手遮，或
值暴象來，或獅子、惡獸、盜賊，或逢擔棘刺人來舉手遮，

或渡河水，或跳渡坑塹泥水，或共伴行不及以手招喚。及最初未制戒，是爲不犯。

會詳——僧祇律云，若先是王子，大臣，本習未除，應當教言，汝今出家，當捨此俗儀，從比丘法。若欲喚人，不得雙舉兩手，當以一手招。見第十
三戒

律攝云，不掉臂者，猶如小兒及癲狂類。

○第十七掉臂白衣舍坐戒

△立戒相

不得掉臂行人白衣舍坐，式叉迦羅尼。

釋曰：此戒緣起處，緣起人，居士譏嫌等，其中所犯，不犯，並餘四衆，悉皆同前，前是行威儀，此是坐威儀之別也。

會詳——僧祇律云，不得動手動足，舞手舞足，並折草坐，當安詳靖住。若有所問者，當先護戒，隨順而答。若問四塔者，得指示，是生處，是得道處，轉法輪處，般泥洹處，無罪。若檀越欲令比丘起精舍者，應觀地形勢，隨便指示，此中可起精舍，此中可起講堂，此中可起溫室，此中可起

僧房，得指無罪。見二十
三戒

○第十八覆身人白衣舍戒

△緣起

佛在舍衛國，祇樹給孤獨園。時六群比丘，不好覆身行人白衣舍。諸居士見，譏嫌言，如似婆羅門。諸比丘聞，往白世尊。世尊呵責六群比丘已，與比丘結戒，欲說戒者，當如是說。



△立戒相

好覆身人白衣舍，式叉迦羅尼。

釋曰：律云，不好覆身者，處處露現。

定罪——是中犯者，故作不好覆身，行人白衣舍，犯應懺突吉羅。以故作故，犯非威儀突吉羅。若不故作，犯突吉羅。

兼制——比丘尼突吉羅，式叉摩那，沙彌，沙彌尼，突吉羅，是爲犯。

開緣——不犯者，或時有如是病，或時被縛或風吹衣離體，無犯。又無犯者，最初未制戒，癡狂心亂，痛惱所纏。

原書殘缺



多羅僧疎者，僧伽梨應用緻物，僧伽梨疎者，鬱多羅僧應用緻物。坐時不得坐衣上，當一手褰衣，一手案坐具，然後安詳而坐。

見第十四戒

○第二十左右顧視戒

△緣起

佛在舍衛國，祇樹給孤獨園。時六群比丘，左右顧視行入白衣舍。居士見譏嫌言，如似盜竊人，左右顧視行。諸比

丘聞，往白世尊。世尊呵責六群比丘已，與比丘結戒，欲說戒者，當如是說。

△立戒相

不得左右顧視行人白衣舍，式叉迦羅尼。

釋曰：左右顧視者。謂在村落，處處看也。

定罪——是中犯者，若比丘，故作左右顧視行人白衣舍，犯應懺突吉羅。以故作故，犯非威儀突吉羅。若不故作，犯突吉羅。

兼制——比丘尼突吉羅，式叉摩那，沙彌，沙彌尼，突吉羅，是爲犯。

開緣——不犯者，或時有如是病，或仰瞻日時節，或命難，梵行難，左右處處伺求方便道，欲逃走，無犯。又無犯者，最初未制戒，癡狂心亂，痛惱所纏。

會詳——僧祇律云，諦視行時，不得如馬低頭行，當平視行，防惡象、馬、牛，當如擔輦人行，不得東西視瞻，若欲看時，迴身向所看處。

見第四戒

律攝云，不高視者，舉目視前一逾伽地，是爲視量。逾伽量者，長四肘也。不應傍視，亦不迴顧，端形直視徐行而進。

○第二十一 左右顧視坐戒

△立戒相

不得左右顧視人白衣舍坐，式叉迦羅尼。

釋曰：此戒緣起處，緣起人，居士譏嫌等，其中所犯，不犯，並餘四衆，悉皆同前，此以坐爲異也。

會詳——僧祇律云，諦視家內坐時，不得如馬延頸低視，當平視，勿令不覺，檀越持熱器來，搪突手面。

即冒昧的舉動若精



舍中食上，和上，阿闍梨，長老比丘前坐時，不得左右顧

視，當平視坐。

見第十
五戒

根本律云，在白衣舍，他不請坐，不應輒坐。又云，不善觀察，不應坐。

律攝云，不善觀察者，由鄔陀夷，

迦留陀
夷是

不觀牀座，坐殺小

兒，故制。

○第二十二靜默白衣舍戒

△緣起

佛在舍衛國，祇樹給孤獨園。時六群比丘，高聲大喚行人白衣舍。諸居士見，皆譏嫌言，似如婆羅門衆。諸比丘聞，往白世尊。世尊呵責六群比丘已，與比丘結戒，欲說戒者，當如是說。

△立戒相

靜默人白衣舍，式叉迦羅尼。

釋曰：律云，不靜默者，高聲大喚。若囑授，若高聲施食。

定罪——是中犯者，若故作高聲大喚，犯應懺突吉羅。以故作故，犯非威儀突吉羅。若不故作，犯突吉罪。

兼制——比丘尼突吉羅，式叉摩那，沙彌，沙彌尼，突吉羅，是爲犯。

開緣——不犯者，或時有如是病，若聾不聞聲須高聲喚，或高聲囑授，若高聲施食，若命難，梵行難，高聲而走，無犯。又無犯者，最初未制戒，癡狂心亂，痛惱所纏。

會詳——律攝云，不應同俗多作言說，不大叫呼如童兒類，設有須喚，他不聞時，應請俗人，爲其大喚。

○第二十二靜默白衣舍坐戒

△立戒相

靜默人白衣舍坐，式叉迦羅尼。

釋曰：此戒緣起處，緣起人，居士譏嫌等，其中所犯，不犯，並餘四衆，悉皆同前，此戒以坐爲別也。

會詳——僧祇律云，不得高聲大喚坐家內，若欲喚者，應彈指，若前人不覺者，當語近邊人。若精舍中食上，和上、阿闍梨，長老比丘前坐，不得高聲大喚，若欲語時，語比